



Inatsisartunut ilaasortaq
Sara Olsvig
Inuit Ataqtigiit

Issittumi Siunnersuisooqatigiit 2015-imi ministerit ataatsimiinnissaat piilugu § 37 apeqquteqqaammut akissuteqqaat

08-04-2015
Sags nr. 2015-112536
Dok. nr. 1912264

Inatsisartut suleriaasianni § 37 naapertorlugu Naalakkersuisunut makkuningga apeqquteqarputit. Suliassaq uannut suliassanngorlugu Innersuunneqarpoq:

Postboks 1340
3900 Nuuk

Apeqqut 1: *Naalakkersuisut Issittumi Siunnersuisooqatigiit naalakkersuinikkut ataatsimeersuarnissaannut peqataassamaarpat?*

Tlf. (+299) 34 50 00
Fax (+299) 32 93 98

E-mail: nap@nanoq.gl
www.naalakkersuisut.gl

Akissut: Aap.

Apeqqut 2: *Issittumi Siunnersuisooqatigiit naalakkersuinikkut ataatsimeersuarnerata nalaani Naalakkersuisut oqaaseqarsinnaatitaassappat?*

Akissut: Aap.

Apeqqut 3: *Naalakkersuisut oqaaseqarsinnaatitaassappata, qanoq taava Nunarput sinnerlugu oqariatuuteqassamaarpat?*

Akissut: Ministerit, ilanngullugit Naalakkersuisut, Issittumi Siunnersuisooqatigiinni amerikamiut siulittaasoqarfiuneranni ukiunut marlunnut tullernut pingaernerutinneqartussat isummerfigisussaavaat, taamatullu Canadamiut siulittaasoqarfiunerat atorunnaaqqammersoq, aammalu suliniutit taassuma siulittaasoqarfiunerani ingerlanneqartut, nalilersorneqartussaapput. Ukiuni tulliuuttuni qulequttat Naalakkersuisut tungaanniit aallunneqartussat ilaatigut tassaapput imarsionermut suliassaqarfik, avatangiisit, silap pissusaata allannguutai taavalu peqqinnissaq. Qulequttat taakkua Kalaallit Nunaannut annertooujussuarmik attuumassuteqarput.

Apeqqut 4: *Issittumi Siunnersuisooqatigiit naalakkersuinikkut ataatsimeersuarnissaat piilugu Naalakkersuisut qanoq eqqarsaatersuuteqarpat?*

Akissut: Takuuk apeqqut 3-imut akissut.

Apeqqut 5: *Naatsorsuutigineqarpoq EU-p Issittumi Siunnersuisooqatigiinni alaatsinaattut inissinnissaminut qinnuteqaataa naalakkersuinikkut ataatsimeersuarnermi naammassineqarluni isummerfigineqassasoq. Naalakkersuisut tamanna piilugu qanoq eqqarsaatersuuteqarpat, ingammik EU-p nioqqutissanik puisinit sanaajusunik eqqusseqqusiunnaarneranut atatillugu Inuit pinngitsortinneqarnerannik sukateriniarnera eqqarsaatigalugu?*

Akissut: Kunneqarfiup EU-p Issittumi Siunnersuisooqatigiinni tusarnaartutut inissisimanissamik qinnuteqaataanut tapersiinini Issittumi Periusissami 2011-2020-

imeersumi nalunaarutigereepaa. Tamanna suli atuuppoq. EU-p tusarnaartutut inissisimanissaa pillugu aalajangiineq 2013-imi Kiruna-mi ministerit ataatsimiinneranni pivoq. Tassani EU tusarnaartutut akuersaarneqarpoq, aalajangiinerup atuutsinneqalernissaa piffissamut kingusinnerusumut kinguartinneqarluni. Tusarnaartuunissamut apeqqutip aqqiissutissarsinissaa, ministerit ataatsimiinnissaasa pisussap tungaanut sulissutigineqarpoq.

Puisinit tunisassianut suliassaqarfimmi Kalaallit Nunaata soqutigisaasa erseqqissarnissaannut, ataatsimiinnernut EU-p peqataaffigisaannut atatillugu periarfissat tamaasa Naalakkersuisut atorluartarpaat. Suliaq pillugu danskit naalakkersuisui qanimut suleqatigineqarput aammalu suliassaqarfimmi Naalakkersuisut politikkiat saqqummiunniarlugu Aalisarnermut, Piniarnermut Nunalerinermullu Naalakkersuisoq sapaatit akunneranni 16-imi Bruxelles-imukassaaq.

Apeqqut 6: *Naalakkersuisut Nunatta puisit pillugit soqutigisai allatigulu soqutigisavut pillugit Issittumi Siunnersuisooqatigiit naalakkersuinikkut ataatsimeersuarneranni qanoq siuarsaassamaarpat?*

Akissut: Naalakkersuisut soqutigisatik oqaatigereepaat aammalu puisit tunisassianut suliassaqarfimmi Kalaallit Nunaata soqutigisaannut tunngatillugu kiisalu suliassaqarfinnut allanut attuumassuteqartunut oqariartuutaasut ilannguttarniarlugit aammalu tamanna pillugu piffissatigut tulluusaaviusinnaatillugu toqqaannartumik ataatsimeeqateqartassallutik. Naalakkersuisut Issittumi Siunnersuisooqatigiit aqqutigalugit puisit amiinut suliassaannarnik suliaqartanngillat aammalu EU-imi periaaseq kisiat aqqutigisarnagu, kisianni aamma niuerfiusinnaasunik allanik periarfissarsiniarnermi suliffissuit suliaqarnerat aamma tapersersortarlugu, asersuutigalugu Japanimi, martsimi pisumi.

Apeqqut 7: *Ruslandip Issittumilu nunat akornanni ukiuni makkunani Ukrainemut tunngatillugu atugaat Naalakkersuisut qanoq eqqarsaatersuuteqarfigaat, Ukrainemilu pisut Issittumi Siunnersuisooqatigiinni naalakkersuinikkut ataatsimeersuarnissaannut sunniuteqarnissaat ilimagineqarpat?*

Akissut: Naalagaaffiit issittumiittut allat assigalugit isumaqarpugut Ukraine-mi akerleriinneq aamma Issittoq pillugu Rusland-imik suleqateqarneq immikkoortisimaneqartariaqartut, aammalu nunap immikkoortua akerleriiffiunngitsutut attatiinnarneqassasoq. Taamaalilluni Issittumi Siunnersuisooqatigiinni pilersitsiviulluurtumik suleqatigiinneq aamma maannamut pisartutut ingerlaannassaaq.

Apeqqut 8: *Ulluni kingullerni Ruslandip Naalagaaffeqatigiinnut danskillu NATO-p sakkussuianut akiuniarneranut ilanngunniarlutik eqqartuinerannut atatillugu siorasaarerpaluttumik nipeqarnera Naalakkersuisut qanoq eqqarsaatersuuteqarfigaat, Issittumilu Siunnersuisooqatigiit naalakkersuinikkut ataatsimeersuarneranni tamanna Naalakkersuisunit oqaaseqarfigineqassamaarpa imaluunniit allatigut qisuariaateqarfigineqassamaarpa?*

Akissut: Nunanut allanut ministereqarfik naliiivoq NATO-p sakkussianut akiuniarnera Rusland-imut tunngassuteqanngitsoq. Sakkussianut akiuniarneq Rusland-imut sammitinneqanngilaq aammalu Rusland-ip sakkussianik aamma atomip nukinganik sakkussianik peqarnerata akiorniarnissaanut pisinnaasaqalissanani. Aammattaaq sillimaniarnermut politikikkut apeqqutit Issittumi Siunnersuisooqatigiinni sammlneqassanngitsut, naalagaaffiit issittumiittut akornanni isumaqatigiissutigineqarpoq. Aamma Ottawa-nalunaarummi 1996-imeersumi, Issittumi Siunnersuisooqatigiinnut tunngaviliisumi tamanna allassimavoq. Taamaattumik ministerit ataatsimiinneranni pisussami apeqqutip qaqinneqarnissaa naleqqutissanngilaq.

Inussiarnersumik inuulluaqqusillunga

Vittus Qujaukitsoq
Vittus Qujaukitsoq